

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 07/1-19-223/25
Sarajevo, 15.04.2025. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije
Dom Naroda
Sekretar
Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 22-04-2025			
Org. jed.	Broj	Priloga	Vrijednost
05/2	- 02 -	581	/24

Predmet: Odgovor na pitanje delegata Mladena Simića – *dostavlja se*

Veza: Vaš akt broj: 05/2-02-581/24 od 21.03.2025. godine

Poštovani,

Aktom iz veze dostavili ste nam delegatsko pitanje delegata Mladena Simića koje se odnosi na prijedlog za unapređenje sistema upravljanja proizvodima koji poslije upotrebe postaju posebne kategorije otpada. Nakon što je ovo Ministarstvo razmotrilo sve prijedloge, dajemo slijedeće odgovore.

Fond za zaštitu okoliša Federacije Bosne i Hercegovine (u daljnjem tekstu: Fond) je prema odredbama Uredbe o proizvodima koji poslije upotrebe postaju posebne kategorije otpada i kriterijima za obračun i način plaćanja naknada („Službene novine Federacije BiH“, broj 59/21 – u daljnjem tekstu: Uredba), koja se odnosi na gume, baterije i akumulatore, ulja, te vozila, izdao rješenja obveznicima izvještavanja i plaćanja naknada za upravljanje posebnim kategorijama otpada koji su prema evidenciji Uprave za indirektno oporezivanje izvršili uvoz proizvoda koji poslije upotrebe postaju posebne kategorije otpada. Federalno ministarstvo okoliša i turizma je, kao drugostepeni organ, postupajući po žalbama obveznika, uputilo Federalnoj upravi za inspekcijske poslove zahtjeve za vršenje inspekcijskog nadzora kod podnosilaca žalbi kojim je Fond izdao rješenja o plaćanju naknade prema podacima Uprave za indirektno oporezivanje, te je postupak vršenja nadzora i rješavanja drugostepenih postupaka u toku.

Što se tiče prijedloga za povezivanje sistema Uprave za indirektno oporezivanje BiH i Fonda, navedeno je sporno jer se radi o dva različita nivoa vlasti. Međutim, vrlo je važno da je Uredbom predviđeno dostavljanja podataka iz evidencije Uprave za indirektno oporezivanje BiH prema Fondu.

Vežano za obustavu prenosa sredstava kantonima u slučaju nedostavljanja izvještaja o namjenskom utrošku sredstava (odnosno u slučaju utvrđivanja nenamjenskog utroška sredstava), smatramo korektnim u duhu kontrole namjenskog utroška sredstava od naknada, međutim Fond trenutno nema mehanizam da može onemogućiti transfer

sredstava. Takva odredba bi morala biti definisana kroz nove propise npr. Zakon o Fondu koji je u proceduri donošenja.

Ključni problem nije samo naplata naknada već i nedostatak reciklera koji će obrađivati ove kategorije otpada, jer je evidentno da prikupljenih naknada trenutno ima dovoljno, te je potrebno razmišljati o privatno-javnom partnerstvu da bismo iskoristili domaće kapacitete kompanija, a u isto vrijeme obezbjedili reciklažu ovih kategorija u BiH što je krajnji cilj. Za ovo je potrebno opredjeljenje i saradnja svih nivoa vlasti.

U pogledu preporuke da Međuentitetsko tijelo za okoliš usaglasi obaveze i način rada, ovim putem vas informišemo da su provedbeni propisi za upravljanje sa svih šest (6) kategorija otpada (ambalažni otpad, električni i elektronski otpad, otpadna vozila, otpadne gume, otpadna ulja, te otpadne baterije i akumulatori), koji su na snazi, usaglašeni na nivou entiteta. Međuentitetsko tijelo za okoliš je nadležno da prati donošenje propisa i njihovo usaglašavanje.

Iz svega naprijed navedenog je vidljivo da je moguće unaprijediti sistem upravljanja proizvodima koji poslije upotrebe postaju posebne kategorije otpada i ovo Ministarstvo će svakako raditi na unapređenju istog. Zato nam je, svakako, ključna i Vaša podrška i razumijevanje problema, te Vas ovim putem pozivamo da nam se svakako obratite sa konstruktivnim prijedlozima za ova i druga pitanja.

S poštovanjem,


MINISTRICA
dr. sc. Nasiba Pozder

Dostaviti:

- Naslovu
- Arhivi